

## Konkurs za popunu upražnjenih radnih mjesta u školskoj 2023/2024. godini u OŠ "Porodice ef.Ramić" Semizovac

---

Na osnovu člana 88. stav (6) i (9) i člana 94. stav (2) tačka g) i člana 121. stav 1. Zakona o osnovnom odgoju i obrazovanju ("Službene novine Kantona Sarajevo", broj: 23/17, 33/17, 30/19 ; 34/20 i 33/21), člana 9. Pravilnika o radu JU OŠ „Porodice ef.Ramić“ Semizovac, člana 87. Pravila JU OŠ "Porodice ef.Ramić" Semizovac, člana 4., člana 5., člana 6. i člana 16. Pravilnika sa kriterijima za prijem radnika u radni odnos u osnovnim školama kao javnim ustanovama na području Kantona Sarajevo ("Službene novine Kantona Sarajevo", broj 12/22), Saglasnosti Ministarstva za odgoj i obrazovanje Kantona Sarajevo broj: 11-11-30-8357-3/23 od 27.4.2023.g. i Odluke Školskog odbora JU OŠ "Porodice ef.Ramić" Semizovac, broj: 06-6691/23 od 01.6.2023. godine, raspisuje se:

### JAVNI KONKURS

za popunu upražnjenih radnih mjesta u školskoj 2023/2024. godini

Naziv ustanove: JU OŠ „Porodice ef.Ramić“ Semizovac

Sjedište ustanove: Vogošća, Nova cesta 62, 71321 Semizovac

Internet stranica ustanove: [www.osramic.edu.ba](http://www.osramic.edu.ba)

Radna mjesta:

a) na određeno vrijeme od 01.9.2023.godine do 31.8.2024.godine za:

1. Nastavnik/nastavnica razredne nastave (područna škola „Gora“-kombinovano odjeljenje) ..... 1 izvršilac, puna nastavna norma;
2. Nastavnik/nastavnica geografije/zemljopisa ..... 1 izvršilac, 14 časova nastavne norme sedmično;
3. Nastavnik/nastavnica tehničke kulture ..... 1 izvršilac, 12 časova nastavne norme sedmično;
4. Nastavnik/nastavnica osnova tehnike ..... 1 izvršilac, 2 časa nastavne norme sedmično;
5. Nastavnik/nastavnica kulture življenja ..... 1 izvršilac, 2 časa nastavne norme sedmično;
6. Nastavnik/nastavnica informatike ..... 1 izvršilac, 16 časova nastavne norme sedmično;
7. Nastavnik/nastavnica likovne kulture ..... 1 izvršilac, 8 časova nastavne norme sedmično;
8. Nastavnik/nastavnica tjelesnog i zdravstvenog odgoja ..... 1 izvršilac, 4 časa sedmično.

-Opis poslova za radna mjesta pod a) redni broj 1., 2., 3., 4., 5., 6., 7., 8. :

Nastava (redovna nastava, pregled pismenih, priprema za rad prema Nastavnom planu i programu, Godišnjem programu rada Škole i Pedagoškim standardima i normativima), ostali oblici neposrednog odgojno-obrazovnog rada (razredništvo, sekcije, dopunska nastava, dodatna nastava, fakultativna nastava, priprema za rad), stručno usavršavanje, rad u stručnim organima, inovacije, saradnja sa roditeljima, rad na pedagoškoj dokumentaciji, dežurstvo, kulturna i javna djelatnost i ostali poslovi nastavnika razredne i predmetne nastave u okviru školske godine.

### **Uslovi za vršenje poslova pod a) redni broj 1.:**

- VSS ili VŠS – profesor/nastavnik razredne nastave
- Završen I (prvi) ciklus odgovarajućeg studija visokog obrazovanja (dodiplomski studij) u trajanju od najmanje 3, odnosno 4 studijske godine, sa akademskom titulom i stručnim zvanjem bakalaureat/bachelor razredne nastave.
- Završen II (drugi) ciklus odgovarajućeg studija obrazovanja (postdiplomski studij) sa akademskim zvanjem magistar razredne nastave.

### **Uslovi za vršenje poslova pod a) redni broj 2.:**

- Profesor geografije ( četverogodišnji studij- četiri akademske godine);
- Magistar prirodnih nauka iz oblasti geografije ( 4 semestra – dvije akademske godine);
- Magistar geografije ( drugi ciklus studija geografije, Nastavnički smjer, u trajanju od 2 semestra – jedna akademska godina i sa ostvarenih 60 ECTS;
- Bakalaureat/Bechlar geografije ( prvi ciklus studija geografije, Nastavnički smjer, u trajanju od 8 semestara – 4 akademske godine i sa ostvarenih 240 ECTS;
- Lica sa završenim I ciklusom bolonjskog visokoobrazovnog procesa i višom stručnom spremom, koja su na dan stupanja na snagu Zakona o osnovnom odgoju i obrazovanju 16.06.2017. godine ispunjavala uslove stručne spremlje za zasnivanje radnog odnosa u školama na poslovima nastavnika, do 01.09.2021. godine mogu konkurisati za prijem u škole i biti primljeni na te poslove.

### **- Uslovi za vršenje poslova pod a) redni broj 3. i 4.:**

Pedagoški fakultet- odsjek tehnički odgoj i kultura življenja

- Pedagoški fakultet- odsjek tehnički odgoj, kultura življenja i informatika
- Filozofski fakultet – odsjek tehnički odgoj i informatika -zvanje nastavnik tehničkog odgoja i informatike.
- Filozofski fakultet – odsjek tehnički odgoj i informatika - zvanje profesor tehničkog odgoja i informatike (180 bodova).
- Pedagoški fakultet- profesor tehničkog odgoja (240 bodova)
- Profesor proizvodno - tehničkog obrazovanja;
- Profesor politehničkog obrazovanja i odgoja;
- Profesor tehničkog obrazovanja;
- Nastavnik tehničkog obrazovanja;
- Pedagoška akademija - grupa tehnički odgoj-informatika.
- Nastavnički fakultet- nastavnik fizike, informatike sa tehničkim odgojem
- Viša pedagoška škola- nastavnik politehnike
- Pedagoško – tehnički fakultet- profesor politehničkog vaspitanja i obrazovanja
- Pored navedenih uslova za vršenje poslova iz predmeta tehničke kulture mogu izvoditi i osobe sa završenim:
  - I (prvim) ciklusom odgovarajućeg studija visokog obrazovanja (dodiplomski studij) u trajanju od najmanje tri, odnosno četiri studijske godine, sa akademskom titulom i stručnim zvanjem Bakalaureat/ Bachelor tehničkog odgoja/kulture, odnosno sa završenim II (drugim) ciklusom odgovarajućeg studija visokog obrazovanja (postdiplomski studij), sa akademskom

titulom i stručnim zvanjem Magistra tehničkog odgoja i kulture življenja, Magistra tehničkog odgoja, Magistra tehničkog odgoja i informatike, odnosno završenim trećim ciklusom studija i naučnim zvanjem doktora odgojnih nauka u kulturi življenja i tehničkom odgoju-metodika nastave tehničkog odgoja u osnovnoj školi. Nastavu iz predmeta Tehnička kultura mogu izvoditi diplomirani mašinski inženjeri s položenom pedagoško-psihološko-metodičkom grupom predmeta. Osoba iz prethodnog stava dužna je ove ispite položiti u roku od godinu dana od dana stupanja na posao nastavnika.

- Lica sa završenim I ciklusom bolonjskog visokoobrazovnog procesa i višom stručnom spremom, koja su na dan stupanja na snagu Zakona o osnovnom odgoju i obrazovanju 16.06.2017. godine ispunjavala uslove stručne spreme za zasnivanje radnog odnosa u školama na poslovima nastavnika, do 01.09.2021. godine mogu konkurisati za prijem u škole i biti primljeni na te poslove.

#### **Uslovi za vršenje poslova pod a) redni broj 5.:**

- Pedagoški fakultete – odsjek tehnički odgoj i kultura življenja
- Pedagoški fakultet – odsjek tehnički odgoj, kultura življenja i informatika
- Pedagoška akademija – odsjek ekonomika domaćinstva-hemija: Nastavnik hemije i ekonomike domaćinstva ili Profesor ekonomike domaćinstva i hemije
- - Pored navedenih uslova za vršenje poslova iz predmeta kultura življenja mogu izvoditi i osobe sa završenim:
  - I (prvim) ciklusom odgovarajućeg studija visokog obrazovanja (dodiplomski studij) u tajanju od najmanje tri, odnosno četiri studijske godine, sa akademskom titulom i stručnim zvanjem Bakalaureat/ Bachelor kulture življenja i tehničkog odgoja/kulture, odnosno sa završenim II (drugim) ciklusom odgovarajućeg studija visokog obrazovanja (postdiplomski studij), sa akademskim zvanjem Magistra tehničkog odgoja i kulture življenja.

#### **Uslovi za vršenje poslova pod a) redni broj 6.:**

VII stepen – Profesor- Bakalaureat/bachelor – nastavnički smjer:

- Profesor informatike
- Profesor tehničkog odgoja i informatike
- Profesor matematike i informatike
- Bakalaureat/bachelor informatike i tehnike
- Bakalaureat/bachelor matematike i informatike
- Bakalaureat/bachelor tehničkog odgoja i informatike
- Bakalaureat/bachelor fizike i informatike
- Bakalaureat/bachelor matematike-matematika i informatika
- Bakalaureat/bachelor kulture življenja i tehničkog odgoja sa informatikom

Magistar – nastavnički smjer sa prethodno završenim prvim ciklusom odgovarajućeg fakulteta i stručnog zvanja. Lista stručnih zvanja navedena u prethodnoj listi „Profesor Bakalaureat/bachelor – nastavnički smjer“

- Magistar tehničkog odgoja i informatike
- Magistar računarstva i informatike
- Magistar matematike i informatike
- Magistar informatike i tehnike
- Magistar matematike, nastavnički smjer

Profil i stručne spreme nastavnčkih profila, uz uslov položene pedagoško-psihološke i matematičko-didaktičke grupe predmeta.

- Bakalaureat/bachelor softverskog inženjerstva
  - Bakalaureat/bachelor matematike-softversko inženjerstvo
  - Diplomirani matematičar-informatičar
  - Diplomirani informatičar
  - Diplomirani inženjer informatike i računarstva
  - Diplomirani inženjer elektrotehnike
  - Magistar matematike-softversko inženjerstvo
  - Magistar softvrtskog inženjerstva
  - Magistar matematičkih nauka, smijer teorijska kompjuterska nauka
- Lica sa završenim I ciklusom bolonjskog visokoobrazovnog procesa i višom stručnom spremom, koja su na dan stupanja na snagu Zakona o osnovnom odgoju i obrazovanju 16.06.2017. godine ispunjavala uslove stručne spreme za zasnivanje radnog odnosa u školama na poslovima nastavnika, do 01.09.2021. godine mogu konkurisati za prijem u škole i biti primljeni na te poslove.

#### **-Uslovi za vršenje poslova pod a) redni broj 7.:**

Visoka stručna sprema (VSS) iz oblasti likovne umjetnosti:

- stručna lica koja su završila Akademiju likovnih umjetnosti – nastavnički smjer
- sva lica koja su završila neki drugi smjer na Akademiji likovnih umjetnosti, ukoliko su položili psihološko-pedagošku grupu predmeta, a što je ekvivalent bolonjskom sistemu: Nastavnički odsjek:
  - I ciklus studija: bachelor likovnih umjetnosti – edukacija likovnih umjetnosti
  - II ciklus studija: magistar likovnih umjetnosti – edukacija likovnih umjetnosti
- Lica sa završenim I ciklusom bolonjskog visokoobrazovnog procesa i višom stručnom spremom, koja su na dan stupanja na snagu Zakona o osnovnom odgoju i obrazovanju 16.06.2017. godine ispunjavala uslove stručne spreme za zasnivanje radnog odnosa u školama na poslovima nastavnika, do 01.09.2021. godine mogu konkurisati za prijem u škole i biti primljeni na te poslove.

### **Uslovi za vršenje poslova pod a) redni broj 8.:**

- VII stepen stručne spreme (profesor fizičkog vaspitanja, profesor za fizičku kulturu, profesor sporta i tjelesnog odgoja)
- Magistar nauka u oblasti sporta i tjelesnog odgoja;
- Doktor nauka u oblasti sporta i tjelesnog odgoja;
- Završen II stepen po Bolonjskom sistemu studiranja;
- Završen III stepen po Bolonjskom sistemu studiranja;

- Mjesto obavljanja rada za sva radna mjesta:

JU OŠ "Porodice ef.Ramić" Semizovac, ul. Nova cesta 62, 71321 Semizovac.

Radno vrijeme:

Radno vrijeme radnika za radna mjesta navedena pod a) redni brojevi: 1., 2., 3., 4., 5., 6., 7., 8., određuje se shodno rasporedu časova i smjena za školsku 2023/2024. godinu, a u skladu s prijavom na PIO, Kolektivnim ugovorom, Pravilnikom o radu JU OŠ „Porodice ef.Ramić“ i ugovorom o radu radnika.

- Mjesto obavljanja rada za sva radna mjesta:

JU OŠ "Porodice ef.Ramić" Semizovac, ul. Nova cesta 62, 71321 Semizovac.

Osnovna plaća radnika:

Osnovna plaća radnika (za punu normu) za radna mjesta navedena pod a) redni brojevi: 1., 2., 3., 4., 5., 6., 7., 8. zavisi od stepena stručne spreme radnika i stečenog stručnog zvanja.

- nastavnik/pripravnik – 1.306,80 KM – 5%;
- nastavnik/ bez stečenog stručnog zvanja 1.306,80 KM;
- nastavnik/mentor 1.343,10 KM;
- nastavnik/savjetnik 1.379,40 KM;
- nastavnik/viši savjetnik 1.448,70 KM.

Prednost u prijemu u radni odnos po posebnim uslovima:

Nakon bodovanja na osnovu općih i posebnih kriterija, te nakon provedene kompletne procedure uključujući i intervju, na ukupan broj prethodno ostvarenih bodova u zavisnosti o pripadnosti boračkoj populaciji (branioci i članovi njihovih porodica) dodaju se i dodatni bodovi na način propisan članom 16. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo („Službene novine Kantona Sarajevo, broj: 29/21) (u daljem tekstu: Pravilnik), a dodatni bodovi se računaju u skladu sa Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 38/20 i 28/21).

Pravo na dodatne bodove ostvaruju branioci i članovi njihovih porodica pod sljedećim uslovima:

- a) da imaju prijavljeno prebivalište/boravište u Kantonu Sarajevo i
- b) da se nalaze na evidenciji JU „Služba za zapošljavanje Kantona Sarajevo" ili su zaposleni na određeno vrijeme, što se dokazuje uvjerenjem/potvrdom iz člana 18. stav (2) tačka f) Pravilnika ili da su zaposleni sa nižom stručnom spremom od one koju posjeduju.

Dokumentacija koja se podnosi uz prijavu

Za zasnivanje radnog odnosa, pored općih uslova utvrđenih Zakonom o radu Federacije BiH („Službene novine Federacije BiH“, broj 26/16 i 89/18) kandidati trebaju ispunjavati i posebne uslove utvrđene Zakonom o osnovnom odgoju i obrazovanju (“Službene novine Kantona Sarajevo”, broj: 23/17, 33/17, 30/19 i 34/20), Pedagoškim standardima i općim normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu (“Službene novine Kantona Sarajevo”, broj: 30/18), Nastavnim planom i programom za osnovnu školu i Pravilnikom o radu sa Pravilnikom o unutrašnjoj organizaciji i sistematizaciji radnih mjesta JU OŠ “Porodice ef.Ramić“ Semizovac.

Kandidati su dužni dostaviti:

#### 1. OBAVEZNA DOKUMENTACIJA (kopije ili ovjerene kopije)

- a) svojeručno potpisana pisana prijava na konkurs s kratkom biografijom, kontakt podacima kandidata (adresa, broj telefona, e-mail adresa), tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
- b) diploma o stečenoj stručnoj spremi ili akademskom zvanju,
- c) izvod iz matične knjige rođenih,
- d) uvjerenje o državljanstvu (ne starije od šest mjeseci),
- e) saglasnost (izjava ovjerena u nadležnom općinskom organu) da se obavijesti iz člana 23. stav 1) Pravilnika i preliminarne odluke iz člana 25. stav 2) Pravilnika dostavljaju elektronskom poštom na adresu koju je kandidat naveo u prijavi na javni konkurs,
- f) i druge dokaze o ispunjavanju uslova za to radno mjesto, a koji su navedeni u javnom konkursu.

#### 2. DODATNA DOKUMENTACIJA (kopije ili ovjerene kopije)

- a) uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko-invalidsko osiguranje,
- b) uvjerenje/potvrda poslodavca o vremenu provedenom na stručnom osposobljavanju u ustanovi,
- c) potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima koje je kandidat obavljao,
- d) uvjerenje o položenom stručnom ispitu,
- e) potvrda o vremenu provedenom na evidenciji službe za zapošljavanje (ne starija od tri mjeseca),
- f) potvrda da se kandidat nalazi na evidenciji Službe za zapošljavanje Kantona Sarajevo ili da je u radnom odnosu na određeno vrijeme, u vrijeme dok je otvoren javni konkurs (član 16. stav 3) tačka b) Pravilnika),
- g) uvjerenje nadležnog organa kojim se potvrđuje neratni invaliditet,
- h) rješenje o sticanju posebnog stručnog zvanja koje izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- i) rješenje o ocjeni o radu koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,

j) potvrda o posebnom priznanju UNSA,

k) uvjerenje/rješenje nadležnih organa o pripadnosti boračkoj populaciji i to:

- uvjerenje o statusu djeteta šehida-poginulog borca i nestalog branioca;
- rješenje o priznatom pravu na porodičnu invalidninu za suprugu šehida-poginulog, umrlog i nestalog branioca i uvjerenje o učešću u oružanim snagama za šehida/poginulog, umrlog i nestalog branioca, rješenje o priznatom svojstvu ratnog vojnog invalida,
- dokaz o bračnoj zajednici sa ratnim vojnim invalidom,
- rješenje o priznatom pravu na mjesečno novčano primanje dobitniku priznanja,
- uvjerenje o učešću u oružanim snagama,
- uvjerenje o statusu djeteta ratnog vojnog invalida,
- rješenje o priznatom pravu na invalidninu ili mjesečni novčani dodatak ili uvjerenje o učešću u oružanim snagama koje izdaje općinska služba za boračko-invalidsku zaštitu odnosno grupa za pitanja evidencije iz oblasti vojne obaveze prema mjestu prebivališta;

l) dokaz da je kandidat autor/koautor udžbenika koji je u upotrebi u Kantonu Sarajevo.

Prijava kandidata koji nije dostavio dodatnu dokumentaciju će se smatrati urednom, a prijavljeni kandidat će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije, koje ne moraju biti ovjerene, uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju konačne odluke o izboru radnika.

Nakon konačnosti odluke o izboru radnika izabrani kandidat je dužan dostaviti ljekarsko uvjerenje nadležne zdravstvene ustanove koje nije starije od šest mjeseci, kao i drugu dokumentaciju u skladu sa zakonom i internim aktima Škole, nakon čega direktor zaključuje ugovor o radu sa izabranim kandidatom.

Provjera radnih i stručnih sposobnosti - Kandidati iz člana 22. stav (4) i (5) Pravilnika će u pisanom obliku putem e-maila na adresu navedenu u prijavi na javni konkurs i/ili telefonskim putem biti obaviješteni o mjestu i vremenu provjere radnih i stručnih sposobnosti, a ukoliko bez opravdanja ne pristupe provjeri radnih i stručnih sposobnosti izgubit će pravo daljeg učešća u konkursnoj proceduri.

Rok za podnošenje prijave kandidata na javni konkurs:

Javni konkurs ostaje otvoren 10 dana od dana objave obavještenja o raspisanom javnom konkursu u dnevnom listu "Oslobođenje" i krajnji rok za prijavu na javni konkurs je 12.6.2023. godine.

Telefon kontakt osoba zadužene za davanje dodatnih obavještenja: 033/430-993.

Adresa na koju se prijave podnose i način predaje dokumentacije

Prijave sa dokazima o ispunjavanju uslova za javni konkurs dostaviti u zatvorenoj koverti putem pošte na adresu: JU OŠ „Porodice ef. Ramić“ Semizovac, ul.Nova cesta 62, 71321 Semizovac – Komisiji, sa naznakom – „Prijava na javni konkurs na poziciju (navesti poziciju/e za koju/e je raspisan javni konkurs) NE OTVARAJ - OTVARA KOMISIJA“.

Nepotpune, neblagovremene i neuredne prijave, neće se uzeti u razmatranje.

Dokumentacija prijavljenih kandidata koji nisu izabrani po ovom konkursu vraća se na lični zahtjev predat na protokolu škole u roku od mjesec dana od okončanja konkursne procedure.

Napomena

Obavještenje o raspisanom javnom konkursu je objavljeno u dnevnom listu „Oslobođenje“

dana 02.06.2023. godine a kompletan tekst javnog konkursa je objavljen na službenoj internet stranici JU OŠ „Porodice ef.Ramić“ Semizovac [www.osramic.edu.ba](http://www.osramic.edu.ba) i putem službenog e-maila škole dostavljen Ministarstvu za odgoj i obrazovanje Kantona Sarajevo i JU „Služba za zapošljavanje Kantona Sarajevo“ radi objavljivanja na njihovim službenim internet stranicama uz naznaku datuma isteka roka za prijavu na javni konkurs i ostat će objavljen na službenim internet stranicama u čitavom periodu roka prijave.